



## **Universitätsbibliothek Paderborn**

### **Acta Ecclesiae Mediolanensis**

Actorvm Ecclesiae Mediolanensis, Pars Tertia - In Qva, Liber Memorialis Ad  
populum Ciuitatis, & Dioecesis Mediolanensis, A Beato Carolo Borromaeo  
Titvli Sanctae Praxedis compositus continetur

**Borromeo, Carlo**

**Brixiae, 1603**

Acta Synodi dioecesanæ vndecimæ.

**urn:nbn:de:hbz:466:1-10502**

cum cæteræ omnia coram vberius exponet, tum pro salutari huius Prouincie cura, nostris etiam verbis ab ea supplex nonnulla petet, quæ vt consequamur, nos precibus summis obsecramus Sanctitatem tuam. Quam Deus Ecclesiæ sua incolumem conseruet diu, Mediolani,

Formula literarum ad Episcopos Provincie, de affixione, & promulgatione Concilij Provincialis.

**D**ie Sabbato, qui dies fuit 4. Idus Aprilis, decretorū quæ in Synodo Provinciali edidimus, volumē imprefsum Ecclesiæ Metropolitanæ valuis de more affigi, promulgarique iussimus. Cuius sane promulgationis testificatiōnem à Cancellario nostro Archiepiscopali excriptam atque obsignatam cum his literis coniunximus. Typis autem Mediolanensibus edita eorum decretorum volumina duo Amplitudini tuæ mitto: alia porrò quæ ad istius Cleri vsum opus erunt, hic haberi poterunt, vbi protius Prouintia ratione edita sunt quamplurima. De illis autem in Synodo Diocesana, quam Amplitudo tua proximè habitura est, legendis ac promulgandis, sicut non dubitamus, quin ipsa pro sua pastorali solitudine ad Provincialis Decreti præscriptum agat: ita speramus fore, vt in ijs ipsis exequēdis omnino adhibeat debitum, & studij, & diligentia industria que pastoralis officium. Quod vt planè prestat, per viscera Christi Domini hor tamur Amplitudinem tuam. Cui prospera & salutaria omnia à Deo precamur. Dat. &c.

Formula iurisurandi à testibus, Synodalibus præstandi in Concilio Provinciali, Habetur supra in Concil. 4. Prouin.

### A C T A

#### Synodi Diocesanae XL.

**I**llustriss. & Reuerendiss. in Christo Pater, & Dominus noster, Carolus Tit. Sanctæ Praxedis Presbyter Car-

dinalis, Dei & Apostolicæ sedis gratie Archiepiscopus Sanctæ Ecclesiæ Mediolanen. salutarem admodum, ac disciplinæ Ecclesiæ valde accommodatum & vtilem vsum cogendi quotannis Synodus Diocesana, ex sacri Tridentini, & Provincialium Conciliorum præscripto, quantum in se est, pro Archiepiscopali munere suo retinere & conservare volens, hoc anno 1584. Synodalem hanc vndeclimum conuentum, in superiori proxima decima Synodo de more indictum ad diem iiii. Maij, in Calendario primū adscribi, & per R. Archidiaconum solenniter sacro Epiphaniarum die ad præscriptum denunciari iussit, vt infra.

Denunciatio Synodi Diocesanae in Metropolitanā.

**H**O C item anno, dilectiss. ad Dei Omnipotentis, Beatiss. Marie semper Virginis, ac S. Ambrosij Confessoris, & beatorum martyrum Protasij & Geruasij, patronorum nostrorum laudem, Synodus Diocesana die iiii. Mensis Maij adiutrice diuina gratia celebrabitur. Piis igitur vestrīs precibus instate, vt Vrbs, & Diocesis hæc Mediolanensis, salutaribus augentur vitiæ Christianæ disciplinis, ex ijsq; fructus, suffragantibus corundem sanctorum patronorum nostrorum meritis, vberiores in dies afferat, in Domino.

Synodalis autem dies cum instaret, Illustriss. Archiepiscopus studium & operam Vicariorum foraneorum, & actionibus Synodalibus hac etiam ratione consuleret, his literis requisivit, quæ ad omnes scriptæ fuerunt.

#### Epistola ad Vicarios foraneos.

**R**E V. Vicari. Cum dies Synodalis iam instet, solitudinem tuam hoc tempore præmonere volimus, vt debito apparatu ad rem Synodalem fructuosè per nos peragendam instructus conuenias. Quidquid verò pro tui munieris ratione in isto Vicariatu animaduertisti, quod ad actionē Synodale spe-ctet,